

1605

*Antonius
Maria Vin-
centius in
Rhætos mira-
ritur.*

tonius Maria Vincentius in obeundo apud Rhætos munere sufficitur.

In Illyrico ob Uscochorum incurfus nonnihil turbatum, finitimis Turcis querelas miscentibus, quod per Reipublicæ fines in eorum agros se intulissent, jumenta abegissent, captivos homines effecissent. Literis atque omni officii genere cum Cæsare ac Ferdinando actum, ut eos motus comprimerent, neque genti per Venetas ditiones transitum permitterent, ne finitimum hostem concirent, potentissimumque Regem in Rempublicam lacefferent. Andreae Gabrielio imperatum, quæ in Adriatico sinu triremes sint, coactis, e Murlacæ euripo exeuntes Uscochos adoriatur; neque ulla iis ratione, juxta ea, in quæ cum Rebata Paschalicus convenerat, egressum permittat. Quoniam vero termini inter Venetas ac turcicas ditiones ab Jacobo Superantio post initam cum Selimo pacem positi, longius sese Turcis inferentibus, amoti fuerant, plurimumque agri Jadertinis finitimi usurpaverant; ab Achomate petatum, ut, denuo locis inspectis, juxta initas Superantii tempore pactiones termini statuerentur. Id, Octaviano Bono, legato, curante, impetratum, ab Gabrielio in ea provincia confectum est. In id ut facile Achomates consentiret, postulatum æquitas non modo, sed rerum turcicarum status effecerat. Nam bellum a Persarum Rege illatum, post Taurisum occupatum recruduerat. Etenim cum Assanes Cicala in latissima Vani planitie una cum Cehurdorum duce Chioseique Seferi Arziruni Bassæ copiis castra locasset, ab Persarum Rege legati cum literis muneribusque ad illum accedunt, propensum in pacem Persæ animum significant. Cicala, nihil amplius sibi pertimescendum ratus, negligentius militaria munera obit. Persa solertia atque astu vincere assuetus, qui haud procul centum millium expeditorum equitum in armis habebat, cum quinquaginta millibus inopinantem aggreditur. Atrox prælium initur; victor Persa in Vanum oppidum Cicalam propellit, idque statim obsidione cingit. Eodemque anno Sigismundus Poloniæ Rex, filio suscepto, ut sacro baptismati abluendo intersit, amantissimis literis Principem invitat. Ad illum Aloysius Foscarenus, legatus est designatus. Finium quoque contro-

*Persarum
contra Af-
sanem Cica-
lam victo-
ria.*

*Sigismun-
dus Rex
Rempubli-
cæ, ut fi-
lii bapti-
smati inter-
sit, invi-
tat.*

ver-